

OPĆINA TRNOVO

Općinsko vijeće

Na osnovu člana 29. Statuta Općine Trnovo ("Službene novine Kantona Sarajevo", br. 23/97 i 17/98) i člana 40. Poslovnika Općinskog vijeća Trnovo ("Službene novine Kantona Sarajevo", broj 23/98), Općinsko vijeće Trnovo, na 3. sjednici održanoj 7. jula 2000. godine, donijelo je

ODLUKU

O IZBORU RADNIH TIJELA

1. U radna tijela izabrani su:

I - KOMISIJA ZA STATUTARNA PITANJA, POSLOVNIK I PROPISE

1. MEHO KRUPALIJA, predsjednik,
2. AVDO TERZO, član,
3. SULJO PINDŽO, član.

II - KOMISIJA ZA IZBOR I IMENOVANJA

1. MIRSAĐ PINDŽO, predsjednik,
2. SABAHUDIN HODŽIĆ, član.
3. ENISA KADIĆ, član.

III - KOMISIJA ZA PREDSTAVKE I ŽALBE

1. ISMET IMAMOVIĆ, predsjednik,
2. ABID DOKARA, član,
3. IBRO BERILO, član.

IV - KOMISIJA ZA ODNOS SA VJERSKIM ZAJEDNICAMA

1. MAHIRA TATAROVIĆ, predsjednik,
2. AIDA DEDIĆ, član,
3. MUJO OMERBEGOVIĆ, član.

V - KOMISIJA ZA ODLIKOVANJA, JAVNA PRIZNANJA I OBILJEŽAVANJE ISTORIJSKIH DOGAĐAJA I LIČNOSTI

1. SALIHA DEDIĆ, predsjednik,
2. EDHEM DURMO, član,
3. NUSRET BAJROVIĆ, član.

VI - MANDATSKO-IMUNITETSKA KOMISIJA

1. SEVDA IMAMOVIĆ, predsjednik,
2. MUNIB TORLAK, član,
3. SALEM MILIŠIĆ, član.

2. Ova odluka objavit će se u "Službenim novinama Kantona Sarajevo".

Broj 01-02-844/00
12. jula 2000. godine
Dejčići

Predsjedavajući
Općinskog vijeća Trnovo
Ismet Imamović, s. r.

Na osnovu člana 29. Statuta Općine Trnovo ("Službene novine Kantona Sarajevo", br. 23/97 i 17/98) i člana 40. stav 3. Poslovnika Općinskog vijeća Trnovo ("Službene novine Kantona Sarajevo", broj 23/97), Općinsko vijeće Trnovo, na 3. sjednici održanoj 7. jula 2000. godine, donijelo je

ODLUKU

O IZBORU KOMISIJE ZA BUDŽET I FINANSIRANJE

I

U Komisiju za budžet i finansiranje biraju se:

1. BESIM KRUPALIJA, predsjednik,
2. EKREM DURMO, član,
3. HAMDO KARIĆ, član,
4. FADIL KADIĆ, član.

II

Komisija iza tačke I ove odluke radit će u skladu sa Poslovníkom Općinskog vijeća Trnovo i o svom radu podnositi će izvještaj Općinskom vijeću Trnovo.

III

Ova odluka objavit će se u "Službenim novinama Kantona Sarajevo".

Broj 01-02-845/00
12. jula 2000. godine
Dejčići

Predsjedavajući
Općinskog vijeća Trnovo
Ismet Imamović, s. r.

Na osnovu člana 9. Zakona o lokalnoj samoupravi ("Službene novine Kantona Sarajevo", broj 19/97), čl. 37., 56. i 61. Zakona o prostornom uređenju i Zakona o izmjenama Zakona o prostornom uređenju ("Službene novine Kantona Sarajevo", br. 13/99 i 19/99) i čl. 10. i 29. Statuta Općine Trnovo ("Službene novine Kantona Sarajevo", br. 23/97 i 17/98), Općinsko vijeće Trnovo, na sjednici održanoj 7. jula 2000. godine, donijelo je

ODLUKU

O PROVOĐENJU PLANA PARCELACIJE
„POMENI - DELIJAŠ” TRNOVO

Član 1.

Ovom odlukom uređuju se uvjeti korišćenja, izgradnje, uređenja i zaštite prostora i način provođenja Plana parcelacije ŽPOMENI - DELIJAŠ, Trnovo (u daljem tekstu: Plan), a naročito: granice prostorne cjeline, urbanističko-tehnički uslovi za izgradnju građevina, uređenje građevinskog zemljišta, korišćenje zemljišta na zaštitnim infrastrukturnim pojasevima i zaštićenim područjima, odnosi prema postojećim objektima.

Član 2.

Plan obuhvata područje površine od 12 ha.

Područje planiranja obuhvaćeno je granicom koja počinje od tromede parcela k. č. 2968 (put), 1937 i 1935 koja se nalazi u K.O. Delijaš-7, te od nje granica polazi u pravcu istoka idući sjevernim međama parcela k. č. 1935, 1934, 1933 i 1932 (obuhvata ih) te skreće u pravcu jugoistoka idući sjeveroistočnim međama parcela k. č. 1929, 1928 (obuhvata ih), dolazi na sjeveroistočni čošak parcele k. č. 1928, te dalje nastavlja u istom pravcu sijekajući parcelu k. č. 1927 u dužini od cca 15 m i idući sjeveroistočnim međama parcela k. č. 1942 i 1941 (obuhvata ih), skreće u pravcu sjeveroistoka, idući sjeverozapadnom međom parcele k. č. 1944 (obuhvata je) te izlazi na put k. č. 1958, zatim nastavlja ići putem k. č. 1958 (obuhvata ga u pravcu istoka i jugoistoka u dužini od cca 200 m) te izlazi na tromedu parcela k. č. 1958 (put), 1764 i 1763 odakle dalje nastavlja ići u pravcu istoka sjevernim međama parcela k. č. 1763, 1762, 1761, 1759, 1758, 1754 i 1751 (obuhvata ih), izlazi na tromedu parcela k. č. 1764, 1751, 1750 (put) odakle dalje nastavlja u pravcu jugozapada idući međama parcela k. č. 1751, 1752 (obuhvata ih), izlazi na put k. č. 2970 te nastavlja ići u istom pravcu sijekajući put u dužini od cca 60 m te izlazi na tromedu parcela k. č. 2970 (put), 2959, Crna rijeka i 1967 odakle dalje u pravcu jugozapada siječe Crnu rijeku k. č. 2959, dolazi na tromedu parcela k. č. 2183, 2959 - Crna rijeka i 2957 - Katanska rijeka odakle dalje skreće u pravcu jugoistoka idući uzvodno desnom obalom Katanske rijeke k. č. 2957 (obuhvata je) te dolazi na tromedu parcela k. č. 2183, 2138 - put i 2957 - Katanska rijeka, zatim nastavlja ići u pravcu jugoistoka putem k. č. 2138 (obuhvata ga) te dolazi na tromedu k. č. 2138 - put, 2185 i 2137/1 odakle dalje nastavlja ići u pravcu sjeveroistoka sjeverozapadnom i sjeveroistočnom međom parcele k. č. 2137/1 (obuhvata je) te sjeveroistočnim i istočnim međama parcela k. č. 2137/3, 2141, 2142, 2144, 2145, 2146, 2133, 2132, 2131, 2130, 2129, 2126, 2125, 2124, 2121/1,

2122/1 (obuhvata ih), zatim dolazi na jugoistočni čošak parcele k. č. 2122/1, te skreće u pravcu zapada idući južnom međom parcele k. č. 2122/1 (obuhvata je) nakon čega izlazi na put k. č. 2138 (siječe ga) pa zatim nastavlja u istom pravcu idući južnom međom parcele k. č. 2104 (obuhvata je), siječe Katansku rijeku k. č. 2957, te nastavlja u istom pravcu južnom međom parcele k. č. 2102 (obuhvata je), te izlazi na put k. č. 2101 odakle dalje ide u pravcu sjevera i sjeverozapada putem k. č. 2101 (obuhvata ga) u dužini od cca 400 m, zatim dolazi na tromedu parcela k. č. 2060, 2062 i 2101 - put te nastavlja ići u pravcu sjeverozapada i zapada jugozapadnim i južnim međama parcela k. č. 2062, 2055, 2054, 2051, 1981, 1983 i 1984 - put (obuhvata ih), dolazi na tromedu parcela k. č. 1987, 1988 i 1984 - put pa skreće u pravcu sjeveroistoka idući sjeverozapadnom međom parcele k. č. 1987 (obuhvata je), te izlazi na tromedu parcela k. č. 1987, 1988 i 1977 - put odakle dalje nastavlja ići u pravcu sjeverozapada putem k. č. 1977 (obuhvata ga) u dužini od cca 180 m, te dolazi na tromedu parcela k. č. 1922, 1921 i 2968 - put te nastavlja ići u pravcu sjevera u dužini od cca 15 m pritom sijekući pravolinijski put k. č. 2968 te dolazi u tromedu sa koje je opis područja i počeo.

Sve navedene parcele nalaze se u K.O. Delijaš-7 i K.O. Delijaš-10, uzete su sa listova Trnovo-50 i Trnovo-60 razmjere 1:2500.

Površina obuhvata oko 12 ha.

Član 3.

Urbanističko-tehnički uslovi za izgradnju građevina:

- građevinsko zemljište namijenjeno za izgradnju građevina sastoji se iz građevinskih parcela;
- građevinska parcela obuhvata jednu ili više katastarskih čestica ili njihovih dijelova;
- građevinska parcela određena je brojem, oblikom i površinom;
- građevinska parcela mora da ima površinu i oblik koji osigurava građenje u skladu sa planom i urbanističko-tehničkim uvjetima;
- građevinska parcela mora da ima trajan pristup na ulicu, odnosno put, kao i mogućnost priključenja na komunalnu infrastrukturu;
- građevinska parcela se utvrđuje prijedlogom plana parcelacije (osnovni podaci parcele);
- prijedlog plana parcelacije izrađuje se na ažurnim geodetsko-katastarskim planovima;
- prijedlog plana parcelacije donosi se za prostornu cjelinu na kojoj se vrši izgradnja;
- prijedlogom plana parcelacije utvrđuje se: veličina, oblik i položaj parcele, pristup parcelama, regulacione i građevinske linije;
- granice parcela su date u grafičkom prilogu "Plan parcelacije";
- unutar građevinske parcele investitor je slobodan da definiše tlocrt građevine u ovisnosti od potreba i želja, s tim da mora voditi računa o udaljenosti građevinske linije objekta od susjedne parcele koja mora biti min. 3,0 m, kao i udaljenost građevinske linije objekta od građevinske linije susjednog objekta koja mora biti min. 6,0m;
- građevinska linija objekta mora biti u istoj građevinskoj liniji sa susjednim objektom, kao i da ista ne ulazi unutar zaštitnog pojasa puta (odnosi se prvenstveno na magistralni put Sarajevo - Goražde);
- objekte planirati kao individualne-stambene ili stambeno-poslovne u centralnom dijelu naselja i to kao slobodnostojeće ili izuzetno, gdje to veličina i oblik parcele ne dozvoljava mogu se planirati objekti duplex ili u nizu od 2-3 objekta;
- gabarit planiranog objekta, tj. maksimalni stepen izgrađenosti građevinske parcele ne bi smio da prelazi

50%;

- vertikalni gabarit planiranog objekta ne bi smio da prelazi P+1 spratnosti (u izuzetnim slučajevima P+2, u centralnom dijelu naselja, s tim da bi se prizemlje koristilo kao poslovni prostor različitih namjena);
- gospodarski (pomoćni) objekti (šupe, štale, kokošinjci, sjenik, nastrešnice za traktore) moraju biti locirani unutar parcele pozadi iza kuće gledano od ulice, udaljeni od puta, tako da formiraju ekonomsko dvorište organizovano iza kuće;
- ukoliko se ekonomsko dvorište nastavlja na dio parcele koji se koristi kao poljoprivredno zemljište, dozvoljeno je otvaranje puta, tj. povezivanje ekonomskog dvorišta sa tim dijelovima parcele (voćnjakom, povrtnjakom i sl.);
- zatečeni (postojeći) objekti unutar granica Plana parcelacije se zadržavaju s tim da isti mogu mijenjati namjenu u smislu prilagodavanja i korištenja tih objekata za svrhe seoskog turizma, apartmana-smještajnih kapaciteta, ugostiteljstva, sporta i rekreacije kao i za ostale sadržaje komplementarne sadržajima seoskog turizma;
- ukoliko se mijenja namjena objekta iz prethodnog stava i poveća bruto-građevinska površina objekta može se odobriti nadziđivanje, dogradnja i rekonstrukcija s tim da maksimalni stepen izgrađenosti građevinske parcele ne prelazi 50%;
- ukoliko se objekat iz prethodnog stava nadziđuje, spratnost ne smije da prelazi više od P+1 etažu (izuzetno P+2 spratnosti u centralnim dijelovima naselja), a ako se dograđuje, dograđeni dio ne smije da prede 50% od postojećeg objekta, ukoliko to dozvoljava veličina i oblik parcele;
- minimalni uslovi (uvjeti) za arhitektonsko oblikovanje planiranih objekata utvrđeni ovim planom parcelacije moraju se poštovati;
- max. spratnost objekta je P+1 (izuzetno P+2 u centralnom dijelu naselja);
- moguća je primjena svih savremenih i tradicionalnih materijala koji svojim oblikom, izgledom i bojom ne bi narušili postojeću ambijentalnu cjelinu naselja;
- moguća je primjena razudenog gabarita i krova;
- koeficijent izgrađenosti se mora poštovati i mora biti manji od 1.

Za sve objekte koji će se graditi na osnovu ovog plana potrebno je prethodno pribaviti projektnu dokumentaciju. Projektna dokumentacija mora biti izrađena prema uslovima predviđenim za 8 MCS-skale.

Član 4.

Izgradnja građevina privremenog karaktera može se dozvoliti za potrebe izgradnje, ograđivanja, rekonstrukcije i sanacije arhitektonskih objekata, objekata komunalne infrastrukture i saobraćajnica, a koji su u funkciji gradilišta unutar obuhvata ovog plana.

Član 5.

Pejsažno-oblikovno rješenje prostora prati utvrđeni koncept prostorne organizacije posmatranog obuhvata.

Član 6.

Ograde se mogu postavljati u svrhu ograđivanja pojedinih parcela društvene infrastrukture: groblja, škole i sl. tako da svojim oblikom, izgledom i materijalom ne narušavaju postojeću ambijentalnu cjelinu.

Član 7.

Površine za parkiranje su predviđene kao slobodnostojeći objekti garaže ili u sklopu prizemlja stambenog objekta, u okviru parcele.

Član 8.

Nivelete pješačkih saobraćajnica, kao i prilazi i ulazi u objekte društvene infrastrukture, moraju biti isprojektovane sa nagibima koji omogućavaju nesmetano kretanje lica u invalidnim kolicima.

Član 9.

Izgradnja objekata vrši se na prethodno potpuno uređenom građevinskom zemljištu.

Član 10.

Ova odluka stupa na snagu osmog dana od dana objave u "Službenim novinama Kantona Sarajevo".

Broj 01-02-846/00
12. jula 2000. godine
Dejčići

Predsjedavajući
Općinskog vijeća Trnovo
Ismet Imamović, s. r.

Na osnovu člana 29. Zakona o lokalnoj samoupravi ("Službene novine Kantona Sarajevo", broj 19/97), člana 19. Statuta Općine Trnovo ("Službene novine Kantona Sarajevo", br. 23/97 i 17/98) i člana 18. Poslovnika Općinskog vijeća Trnovo ("Službene novine Kantona Sarajevo", broj 23/97), Općinsko vijeće Trnovo, na svojoj 2. sjednici održanoj 29. juna 2000. godine, donijelo je

RJEŠENJE

O VERIFIKACIJI MANDATA VIJEĆNIKU U OPĆINSKOM VIJEĆU TRNOVO

I

SALIHI DEDIĆ, verifikuje se mandat vijećnika u Općinskom vijeću Trnovo sa liste Stranke demokratske akcije - SDA.

II

Ovo rješenje objaviti u "Službenim novinama Kantona Sarajevo".

Broj 01-02-843/00
29. juna 2000. godine
Dejčići

Predsjedavajući
Općinskog vijeća Trnovo
Ismet Imamović, s. r.

Na osnovu člana 29. Zakona o lokalnoj samoupravi ("Službene novine Kantona Sarajevo", broj 19/97), člana 27. Statuta Općine Trnovo ("Službene novine Kantona Sarajevo", br. 23/97 i 17/98) i člana 18. Poslovnika Općinskog vijeća Trnovo ("Službene novine Kantona Sarajevo", broj 23/97), Općinsko vijeće Trnovo, na svojoj 2. sjednici održanoj 29. juna 2000. godine, donijelo je

RJEŠENJE

O PRESTANKU MANDATA VIJEĆNIKU U OPĆINSKOM VIJEĆU TRNOVO

I

DERVI ALJOVIĆU, vijećniku u Općinskom vijeću Trnovo utvrđuje se prestanak mandata u Općinskom vijeću Trnovo zbog nespojivosti funkcije.

II

Ovo rješenje objaviti u "Službenim novinama Kantona Sarajevo".

Broj 01-02-842/00
29. juna 2000. godine
Dejčići

Predsjedavajući
Općinskog vijeća Trnovo
Ismet Imamović, s. r.

Na osnovu člana 30. Zakona o lokalnoj samoupravi ("Službene novine Kantona Sarajevo", broj 19/97) i člana 29. Statuta Općine Trnovo ("Službene novine Kantona Sarajevo", br. 23/97 i 17/98), Općinsko vijeće Trnovo, na 3. sjednici održanoj 7. jula 2000. godine, donijelo je

ZAKLJUČAK

I

Pokreće se inicijativa za izmještanje sjedišta općine i općinskih Službi za upravu iz Dejčića na područje Trnova (od Gareža do granice entiteta u Trnovu).

II

U saradnji sa Zavodom za planiranje razvoja Kantona Sarajevo pristupiti izradi urbanističkog rješenja za lociranje objekta za smještaj pomenutih službi.

III

Zadužuje se općinski načelnik sa Službama za upravu i ostali da u okviru svojih ovlasti preduzmu aktivnosti na što skorijoj realizaciji ovog zaključka.

IV

O preduzetim aktivnostima i realizaciji istih redovno izvještavati Općinsko vijeće Trnovo na svakoj sjednici.

V

Ovaj zaključak objaviti će se u "Službenim novinama Kantona Sarajevo".

Broj 01-02-848/00
12. jula 2000. godine
Dejčići

Predsjedavajući
Općinskog vijeća Trnovo
Ismet Imamović, s. r.

Na osnovu člana 30. Zakona o lokalnoj samoupravi ("Službene novine Kantona Sarajevo", broj 19/97) i člana 29. Statuta Općine Trnovo ("Službene novine Kantona Sarajevo", br. 23/97 i 17/98), Općinsko vijeće Trnovo, na 3. sjednici održanoj 7. jula 2000. godine, donijelo je

ZAKLJUČAK

I

Iz sredstava budžeta, sa stavke 681430 UČEŠĆE U FINANSIRANJU POVRATKA RASELJENIH LICA U RS usmjerava se iznos od 70.000,00 KM za finansiranje radne snage za izgradnju 40 stambenih objekata u Turovima.

II

Općinski načelnik će, sa Službama za upravu izvršiti raspodjelu sredstava prema korisnicima u skladu sa urađenim normativima za svaki objekat.

III

Sredstva iz tač. I i II ovog zaključka doznačit će se na račun Udruženja građana za povratak izbjeglih i raseljenih lica sa područja Turova, Općina Trnovo (U. G. - "TUROVI" Trnovo), koje će operativno isfinansirati izgradnju u skladu sa odobrenim normativima i odobrenom rasporedu.

IV

Udruženju građana "TUROVI" Trnovo dužno je dostaviti izvještaj o utrošku doznačenih sredstava sa spiskom fizičkih lica koja su obavljala zanatsko-stručne radove na stambenim objektima.

V

Za realizaciju ovog zaključka odgovoran je općinski načelnik sa Službama za upravu i UG "TUROVI" Trnovo o čemu su dužni izvjestiti Općinsko vijeće Trnovo.

VI

Ovaj zaključak objaviti će se u "Službenim novinama Kantona Sarajevo".

Broj 01-02-847/00
12. jula 2000. godine
Dejčići

Predsjedavajući
Općinskog vijeća Trnovo
Ismet Imamović, s. r.